

تورکيا بويونلک مجلسى



يوز ايکنجى اجتماع

برنجى جلسهسى خفيدر

مندرجات

دشمندن استرداد اولنان محللر اهاليسنه معاونت اجراسى حقنده کى قانونک قبولى باش قوماندانلغک غازى مصطفى کمال باشا حضرتلرينک عهد سنده اوچ ماه دها ابقاسى حقنده کى لايحه قانونيه نک قبولى

ايکنجى جلسه

رئيس : برنجى رئيس وکيلي حسن فهيمى بك افدى

کاتب : محمود سعيد بك (موش)

۳۱ نصرين اول ۲۲۷ بازار ايرتسى ساعت ۱۰، ۵ صکره

عبدالله عزمى افدى (اسکيشهر) — افندم ! بوجمجلس کندندن چيقاردىنى حکومتى ناصل قونتروله مجبور ايسه کندى افعال و حرکاتى ده محاسبه ايتمکده وجداننه قارشى مجبوردر .

لطيفى بك (ملاطيه) — هانکى قانون مذاکره ايدىليور؟ رئيس — افندم ! دشمندن استخلاص اولنان محللر اهاليسنه معاونت سريعه اجراسنه دائر اولان هيئت وکيله نک تکليفنک بقيه مذاکره سى .

عبدالله عزمى افدى — افندم ! قانونک موضوعى يونانک ياقوب بيقه رقى محو و خراب ايتدىکى محللر اهاليسنه تخملىق ، بيهجک کي موادک و بريسيدر بوقانون بورايه کلدىکى زمان حکومت نه ايچون بوني بوقدر تاخير ايتمشدر ؛ نه ايچون

رئيس — جلسه کشاد ايدلدى . روزنامه مزده ۲۲ پارچه اوراق وارده مزو وارددر . فقط وقت برآزکچکين دره . تنسيب بيوريلور ايسه بوندن اولکى اجتماع مزده مذاکره ايدىليوبده ياريم قالان دشمندن استرداد اولنان محللر اهاليسنه معاونت اجراسنه دائر اولان قانونک مذاکره سنه باشلايم .
حلمى بك (بولى) — ضبط سابق او قونسون .
(او قونسون صدرلى)

رئيس — افندم ! آرقداشلر ضبط سايقدن بحث ايدىيورتر . معلوم عاليلرى بوندن اولکى جلسه لمرز خفيدر . علمى جلسه مزه ييچ بوقدره . سوز عبدالله عزمى افدى نکدر . مفيد افدى (قيرشهر) — بنده کزکده بر تکليف قانونيم وارددر .

شمدی به قدر کوندرمه مشدر دینه جک برده مع التأسف
ومع التأثر بوتون قوانین مالیه انجمنه ده حواله ایدلسون
دینلری کوردم و بو تکلیف ائک زیاده منطقه حرمت ایتدیکم
برذات طرفدن واقع اولدی .

حلمی بک (بولی) — های الله راضی اولسون
عبدالله عزمی بک .

عبدالله عزمی افندی — بویله برقانونک اوزرلرنده
تطبیق اولنه جق اهالی بی بر کره دوشونتم . بونلر
یونانک بائمله مظللی کورمش ، اولری یانمش ، ملکاری
کیتمش ، چیریل چیملاق قالمش . بونلر یالکیز اللهدن
رحمت ، بزدن بر نوازش بکایولر . بزم نوازشمز
ولو بریم بوروسی قیلندن بولونسون . بوسبیله بویله بر
فانونه کندیلرینه در عقب معاونته شتاب ایتکلکمکز لازم
کلیر . دهابش اون کون اول بونلر حقنده نایبده مشدر دیه
سؤال تقریرلری و یرن بومجلس بوقانون بورایه کلدیکی وقت
لیت ولعل دینه جک در جده عادتاً انجمندن انجمنه حواله
ایتمک صورتیله مطالعه لر در میان ایتدی . یاپیله جق ایش نه
ایدی ونه ایچون یاپیلوردی ؟ اوت بحق زراع اولان
وزراعتیله اردوی ده ، بومملکتی ده کیندیرن او خلاقه تخملق
و یرم رک یارین اوندن ینه استفاده ایتمک ایچوندی . صکره او
تخملق لری اکنجه به قدر کندیلرینه معاونته بولتمق ایچون ایدی
بویله برقانونک هیئت عمومی سی مذاکره به بیلیم لزوم
وارمیدی . ماده لره کچیلیردی ، اکر ماده لره ایقیری
کندیلرینه معاونت لازم کله ین اشخاص ماده و مضویه
وارسه بونلر چیقارتیلور ایدی . بوقانون بورایه کلدکن
صکره مناقشه لره چیتیمی موافقمیدر . وبویله برقانون
دوغریدن دوغری به کندیلرینک چیقارمسی ایجاب ایدن
برجلسک بویله تأخراته میدان و یرمسنی وجدان اوزرنده
محاسبه یاهررق ، ائی قلبه قویارق یعنی قلباً دوشونمکلکمز
استفتا قلبک یعنی قلبکزدن استفتا ایتمک صورتیله دوشو-
نسونلر . بناء علیه ؛ هیئت عمومی سی حقنده مذاکره
جریان ایتیمه رک ماده لره کچلسون . (ماده لره صدالری)
رئیس — قانونک علیهنده سوز ایسته ین وارمی
یوق (صدالری) کفایت مذاکره حقنده ده تکلیف

وار . هیئت عمومی سی حقنده مذاکره بی کافی کوره نلر لطفاً
أل قالدیرسون ! هیئت عمومی سی حقنده مذاکره کافی
کورولدی . ماده لره کچیلدی . برنجی ماده او قوندی .

ماده ۱ — استرداد ایدیلن و ایدیله جک اولان محملرده
دشمن طرفدن تخریب و یغما ایدیلن و یا حرب سببیه
دوچار خسار اولان قصبه و قریه لر ایله چفتلکلرک الیوم
استیفا ایدلمه مش اولان مسققات و اراضی و تمتع و یرکولریله
اعشار و اغنام دینلدی ۱۳۳۷ سنه مالیه سی نهایتته قدر
عمو ایدلمشدر .

رئیس — ماده حقنده تعدیلنامه یوق . سوز ایسته ین
وارمی ؟

عنان فوزی افندی (ارزنجان) — ایچریسنه آتیلمش
اولدیغمز مجاهدۀ دینیه و وطنیه بزم ایچون دوشونلیمش
ویاپیلیمسی لازمکن برچوق شیلرک ایجاباتی اجراه محل
و امکان براقیور . و بوجاهده ده عموماً برعزم و ایمان
بسلیوروز که : بعنایه الله موفقیتمز ایچون هر نه فدا کارلق
لازمسه بلکه یوزده قرق فلان دکل هر نه لازمسه فدا
ایدوب انکایز و یونان کبی وطن دشمنلریمزک شرفی تماماً
اوزرمزدن دفع ایتمک اوغرنده بوتون قوه مالیه مزی
وبوتون قومیزی اوجهته صرف ایدوب و بونی یالکیز خط
حربه حصر ایتمه مز ایجاب ایدرسده بعض تلافیسی غیر
قابل ضرر لرک دفعی ده بزى آریجه بر فدا کارلغه اجبار
ایدیور . بوده معلوم عالیکزدر که : بونلردن بریسی ده
تقلیل نفوس مسئله سیدر . افراد ملتک سفالتله شوراده
بوراده هدر اولوب کیتیمی بوده تلافیسی غیر قابل بر
فلا کتدر ، خصوصاً تعامل بزم دینمز ایجاب اتندندر .
[ماده لر حقنده صدالری] اورایه کلیورم [وقتمز مساعد دکل
صدالری] مساعده بویوریکز ؛ بزم دینمز ایجاب اتندندر . مؤمنر
نفس واحده کبی اولدیغی حتی برینک کوزی آغیر یسه دیکر لرینک
تمام باشی آغیریمشجه سنه متأثر اولمسی لازمکلیر . (ماده
حقنده سوبله ییکز صدالری)

رئیس — مساعده بویوریکز اقدم!
بسیم آنالای بک (کوتاهی) — وعظ ایدیورسک
خواجه افندی !

رئیس — اقدام! مساعده بویورک . ماده یه دار تعدیل
مطالعه کنز وارسه اونی سویله ییکز .
فوزی افندی (ارزنجان) — عاینه دیمه به جکم ، لهنه
دیهه جکم .

یحیی غالب بک (قیرشهر) — جریان ذاتاً لهده عزیزم .
فوزی افندی — بناء علیه ؛ ارتق افاده مدن ذارغ
اولیورم . یالکز شونی عرض ایتمک ایسترم که : بو دشمن
بی امان شرنیدن قاچوب آغوش شفقت و اخوتکزه آیلان
فلاکتر دکان اخوانمز حقنده شو ماده نک قبول بیورلمی
و معاونت جهتتی اختیار بیور ما کزی ، بو تقریرده عرض
اولنان تخصیصاتی قبول بیورمه کزی رجا ایدیورم .

رئیس — افندم ! برنجی ماده حقنده مذا کره نک
کفایتیله تعدیلی حقنده بر تقریر وار . برنجی ماده حقنده
مذا کره بی کافی کورنلر لطفاً آل قالدیرسون ! مذا کره
کافی کورولدی .

طونه لی حلمی بک (بولی) — افندم ! ماده ده یا کاشلق وار .
رئیس — مساعده بویورک . تقریر چفتلکلرک اخراجنی
تکلیف ایدیورم . ماده ایسه دوچار خراب اولان چفتلکلرک
ویرکوسنه .. دیور

توفیق رشدی بک (منتشا) — بو صورتیه تصریح
و فضله حمایه کارانه لزوم یوقدر .

نشأت بک (اسکدار) — خراب اولیمان و یا خود دشمنه
امان ایدنلرک کی داخل دکدر . بونک ضبطه کچمه سن
تکلیف ایدیورم .

رئیس — ماده بی رایکزه عرض ایتمدم . تقریر اشبو
ماده نک متننده کی چفتلکلرک اخراجیه ماده نک دیگر اقسامک
قبولنی تکلیف ایدرم دیور . بو تکلیفی ...

عبدالله عزمی افندی (اسکیشهر) — افندم ! تور کچده
بر ضرب مثل وار . یانمش خرمنک عشری اولورمی دیرلر .
ایشته او بوراده تطبیق ایدیه جک بر مثالدر . ا کر او چفتلک
صاحبنک بتون چفتلکی یانمش ایسه بتون حاصلاتی یانمش
ایسه ، عشرمی ویرسون افندیلر ؟

رئیس — بو تعدیلنامه بی قبول ایدنلر لطفاً آل قالدیرسون .
(رد صدالری) قبول ایدلدی . ماده بی رایکزه عرض

ایدیورم . ماده بی موازنه مالیه انجمنک تنظیم ایتدیکی
وجهله قبول ایدنلر لطفاً آل قالدیرسون ! قبول ایدلشدیر .
نشأت بک (اسکدار) — تعدیلنامه وار رئیس بک .
رئیس — افندم ! تعدیلنامه بی رایه قویدم قبول اولنمادی .
ماده ۲ — محال مذکورده اهل بسندن قنقرو ضرورتی
تبین ایدنلره یمکلک و تخملق اوله رق مجاناً ذخیره توزیعنه
حکومت مأذوندر . بونک ایچون مالیه بودجه سنده (۹۹ آ)
نومروسیه و [استیلا زده لره مجاناً توزیع اولنه جق یمکلک
و تخملق] نامیله یکیدن آچیه جق بر فصل مخصوصه بشیور
بیکی لیرا تخصیصات وضع اولونمشدر .

ایکنجی ماده حقنده سوز ایستین وارمی ؟
اسماعیل شکری افندی (قره حصار صاحب) — سوز
ایسته یورم ! افندم ! ایکنجی ماده یه علاوه ایدلک اوزره برنجی
ماده ده سکوت ایدلمش بر مسئله وار . زراعت بانکه سنه
بورجی اولان زراعت بورجی ایکی سنه مدته تأخیر اولونمشدر
دیهه بنده کز بر تقریر ویرمشدم . لطفاً او قونسون و او چنجی
ماده اوله رق مذا کره ایدلسون .

محمدشکری بک (قره حصار صاحب) — او ، بوکا
کیره مز .

عبدالله عزمی افندی (اسکیشهر) — آبروجه بر ماده
اولور . او ، بوکا کیره مز .

رئیس — افندم ! قره حصار مبعوثی شکری افندینک
بر تکلیفی وار او قونه جق :

بووک ملت یحیی ریاست جایله سنه
اشبو در دست مذا کره قانونه ایکنجی ماده اوله رق بالایله
درج ایلدیکم ماده نک قبوانی دیگر مواد نومروسنک آکا کورمه
تصحیحنی تکلیف ایدرم .

۳۰ تشرین اول - ۳۳۷ قره حصار صاحب
اسماعیل شکری

رئیس — افندم ! او یله بر ماده تدویننی تکلیف ایدیورم .
اقتصاد و کیلی محمد جلال بک — بنده کز بونی اساس
اعتباریله قبول ایدرم . زراعت بانکه سنک کمهم وظیفه سی .

چفتجیلری حمایه ایتمکدر . ایستر بورایه کیرسون، ایستر
باشقیه بر ماده اوله رق قبول ایدلسون اساس اعتباریه موافقدر .
وهی بک (قره سی) — رئیس بک ! ذاتاً بک ضروری
برشی افندم یا ! بر ماده اوله رق قبول ایدیله جک ویا خودده
بر ماده یه علاوه ایدیله جکدر .

رئیس — افندم ! قره حصار مبعوثی شکری افندی بک
ایکنجی ماده اولوق اوزره تکلیف ایتمدی بک بر تقریری
اساس اعتباریه قبول ایدنلر لطفاً ال قالدیرسون ! قبول
ایدلمشدر . (آکلاشلمدی صدالری)

رئیس — افندم ! ایکنجی ماده اولوق اوزره تدوینی
قبول ایدنلر لطفاً ال قالدیرسون !

عبدالله عزمی افندی (اسکیشهر) — مساعده بیورک !
ایکنجی ماده اوله رق تدوینی دیمه ییکز ! ایکنجی ماده اولوق
اوزره دکل ، ایکنجی ماده یه علاوه ایلمک صورتیه .

رئیس — افندم ! انجمنک تکلیف ایتمدی ایکنجی
ماده اوچنجی ماده اوله رق و بوده ایکنجی ماده اوله جقدر .
بو تکلیفی ایکنجی ماده اولوق اوزره رایگزه عرض
ایدیورم . ایکی رقمیه بوفانونده افاده ایلمسنی قبول
بیورانلر لطفاً ال قالدیرسون . ایکنجی ماده اولوق اوزره
قبول ایلمشدر . . افندم ! ایکنجی ماده اوچنجی اولیور .
اوچنجی ماده اولوق اوزره ده مین او قودیف انجمنک تکلیف
ایتمدی ایکنجی ماده یی اوچنجی ماده اوله رق قبول ایدنلر
لطفاً ال قالدیرسون ! اوچنجی ماده اوله رق قبول ایلمشدر .
اوچنجی ماده دردنجی ماده اولیور :

ماده ۴ — تخریب و احراق ایدیلان میانیک انشاسی
ایچون میری اورمانلردن اصولی دائره سنده قطع ایتمدی .
یله جک آغاج و کراسته لر اورمان رسمندن معافدر .

رئیس — دردنجی ماده حقنده مطالعه واری ؟
تعدیلنامه یوق ، مطالعه ده یوق .

بصری بک (قره سی) — (معفودر اوله جق .)
رئیس — بک اعلام معفودر شکرکنده تصحیح ایلدی .
تعدیلنامه ده یوق دردنجی ماده یی رایگزه عرض ایدیورم
بو صورتله قبول ایدنلر لطفاً ال قالدیرسون ! قبول ایلمشدر .
ماده ۵ — مجاناً ویریه جک کراسته لرک قطیاتی

استرداد تاریخندن اعتباراً نهایت اوچ سنده ختام بوله جقدر .
رئیس — افندم ! بشنجی ماده حقنده سوز آلان یوق .
تعدیلنامه ده یوق . بشنجی ماده یی قبول ایدنلر لطفاً ال
قالدیرسون ! قبول ایلمشدر .

ماده ۶ — بلارسم ویریلان کراسته یی دوچار خسار
اولان میانیک انشاسنه صرف ایتمدیکی تحقق ایدنلر کرا .
سته نک پیاسه موجبنجه قیمتی . مع رسم تأدییه مجبوردر لر .
رئیس — ماده حقنده مطالعه یوق ، تعدیلنامه ده یوق
قبول ایدنلر لطفاً ال قالدیرسون ، قبول ایلمشدر .

ماده ۷ — بوصورتله ویریه جک کراسته لرک
نوع و مقدارینه و تعرفه سنه کوره بالحساب تبین ایده جک
رسم میریسی موازنه عمومی ه دن (میری اورمانلر
حاصلاتی) فضلہ ایرادو (استیلازده لره میری اورمانلردن
مجاناً ویریه جک کراسته بدلی) نامیله مالیه بودجه سنده
یکیدن آچیه جق (۹۹ ب) فصلنه تخصیصات قید
اوله جقدر .

رئیس — مطالعه یوق ، تعدیلنامه ده یوق ؛ سکزنجی
ماده یی قبول بیورانلر لطفاً ال قالدیرسون ! (قبول ایلمشدر)
ماده ۸ — اشبو محللر اهایسنه وسائط نقلیه و حیوا
نات توزیعی ایچون مالیه بودجه سنده یکیدن آچیه جق
(۹۹ ج) فصلنه بشیوز بیک لیرا تخصیصات وضع اولمشدر
اشبو وسائط نقلیه و حیوانانک بدلری استیفا اولماز .
رئیس — سکزنجی ماده یی قبول ایدنلر لطفاً ال
قالدیرسون ! قبول ایلمشدر .

ماده ۹ — اشبو محللر ده کی محتاج معاونت ارباب
زراعته اوچ سنه مدت ظرفنده و اوچ مساوی تقسیطده کرک
عیناً کرک تقدماً تحصیل اولنوق اوزره تخملق اعطاسنه
حکومت مأذوندر . بونک ایچون اقتصاد و بودجه سنده
(استیلازده لره تعویضاً ویریه جک تخملق بدلی) نامیله
آچیه جق برفصل مخصوصه بشیوز بیک لیرا تخصیصات
وضع اولمشدر .

عثمان بک (لازستان) — آچیه جق فصل دوغری
اولماز . آچیلان فصل مخصوصه دیمک لازمدر .
رئیس — اوت افندم ! آچیلان صورتنده تصحیحی ایله

۹ نجی مادهی رأیکزه عرض ای دیورم . قبول ایدنلر لطفاً
 ال قالدیرسون ! قبول ایدلشدر .
 ماده ۱۰ — اشبو قانونک ۸۳ و ۹۰ نجی ماده لر یله
 ویریلن تخصیصاتک سنه مالیه جاریه نهایتنه قدر صرف
 ایدیله مین مقداروی کله جک سنه مالیه ظرفنده دخی
 استعمال ایدیه بیله جکدر .

بصری بک (قره سی) — ایدیله بیلیر . صورتنده تصحیح
 ایدلسون (ایدیلیر صدالری)
 شکری بک (قره حصار صاحب) — اختیاری اولور
 رئیس — مادهی رأیکزه عرض ای دیورم! ایدیلور
 صورتنده می، ایدیله بیلیر صورتنده می؟ (ایدیلیر صورتنده
 صدالری) ایدیلیر صورتنده تصحیحی قبول ایدنلر
 لطفاً ال قالدیرسون ! ایدیلیر صورتنده یعنی قطعیت افاده
 ایدن صورتده قبول ایدلشدر .

شکری بک (قره حصار) — احتیاطی اولور .
 سوکره . .

لطفی بک (ملاطیه) — احتیاطی اولسون .
 اوتجی ماده حقنده تهدیلنامه یوق اوتجی مادهی قبول
 ایدنلر لطفاً ال قالدیرسون ! (قبول ایدلشدر)
 ماده ۱۱ — اشبو قانون تاریخ نشرنندن معتبردر .
 رئیس — قبول ایدنلر لطفاً ال قالدیرسون ! (قبول
 ایدلشدر)

ماده ۱۲ — اشبو قانون احکامنک اجراسنه هیئت
 وکیله مأمورددر .

اون ایکنجی ماده حقنده بشقه مطالعه وارمی؟ اون
 ایکنجی مادهی قبول ایدنلر لطفاً ال قالدیرسون ! (قبول
 ایدلشدر) اقدم! هیئت عمومی سنی تعیین اسامی ایلر رأیکزه
 عرض ای دیورم . (اکثریت یوق سسلری) (وار
 اکثریت صدالری)

رئیس — مساعده بیوریکز اقدم! لطفاً داغیلمه یکز!
 بک مستعجل بر تذکره وارددر . شمدی اوقویه جتم .
 اقدم! رأیکزی استعمال بیورک. آرا تصنیف ایدیلنجیه
 قدر دیگر مسئله نک مذاکره سته کچورم .

تورکیا بیوک ملت مجلسی ریاست جلیله سنه
 اوله ابده کی قانونی موجبجه تشرین ناینک بشنجی کونی باش

قوماندانلق صفت و صلاحیتک ختام بوله جنی معروضدر . کیفیت
 تعمیماً اردویه و سایر علاقه دارانه تبلیغ قلمه شددر .
 تورکیا بیوک ملت مجلسی رئیس
 مصطفی کمال
 رئیس — بوکا عائد اولوق اوزره قیرشهر مبعوثی
 مفید اقدینک بر تکلیف قانونیسی وارددر . مستعجلاً
 روزنامهیه ادخالیه مذاکره سنی تکلیف ای دیور .

ریاست جلیلهیه
 بیوک ملت مجلسی رئیس مصطفی کمال پاشایه باش قوماندانلق
 توجیهنه دائر ۵ آغستوس ۳۳۷ تاریخنده بیوک ملت مجلسنجه قبول
 بیوریلان قانوننده کی اوچ ماه مدتک ختامی ۵ تشرین ثانی ۳۳۷
 تاریخنده ختام بوله جفته نظر امد کور قانونک ۵ تشرین ثانی ۳۳۷
 تاریخندن اعتباراً اوچ ماه دهها مرعیتنه دائر ادلان زبرده کی
 ماده قانونیه نک مستعجلاً مذاکره و قبول بیورولسنی تکلیف ایلرم .
 ۳۱ تشرین اول ۳۳۷ قیرشهر مبعوثی
 مفید

ماده ۱ — بیوک ملت مجلسی رئیس مصطفی کمال
 پاشایه باش قوماندانلق توجیهنه دائر اول ۵ آغستوس ۳۳۷
 تاریخلی قانون ۵ تشرین ثانی ۳۳۷ تاریخندن اعتباراً اوچ
 ماه دهها تمدید ایدلشدر .

رئیس — مستعجلیتی قبول ایدنلر لطفاً ال قالدیرسون!
 دیگر ایکی ماده سی ده بونک مرعیتنه عائددر . اولامستعجلیتی
 قبول ایدنلر لطفاً ال قالدیرسون! مستعجلیت قبول ایدلشدر .
 شمدی روزنامهیه ادخالیه شمدی مذاکره سنی قبول
 ایدنلر لطفاً ال قالدیرسون! قبول ایدلشدر . برنجی مادهی
 تکرار رأیکزه عرض ای دیورم .

تکرار اوقویالمی؟ (خایر صدالری) برنجی مادهی مفید
 اقدینک تکلیفی وجهله قبول ایدنلر لطفاً ال قالدیرسون!
 قبول ایدلشدر .

ماده ۲ — اشبو قانون ۵ تشرین ثانی ۳۳۷ تاریخندن
 معتبردر .

رئیس — ایکنجی مادهی قبول ایدنلر لطفاً ال
 قالدیرسون! قبول ایدلشدر .

ماده ۳ — اشبو قانونک اجراسنه بیوک ملت
 مجلسی مأمورددر .

رئیس — قبول ایدنلر لطفاً ال قالدیرسون! قبول
 ایدلشدر .

هیئت عمومی سنی ده قطعیتله رأیکزه عرض ایدیورم.
 هیئت عمومی قبول ایدنلر لطفاً آل قالدیرسون *
 هیئت عمومی اکثریت عظیمه ایله قبول ایدلشددر !
 (آلتیشلر) (الله موفقیت احسان ایسون صدالری)
 طونه لی حلمی بک (بولی) — الله دشمنلری قهر
 ایسون *

رئیس — افندم ! رجا ایدرم * اولجه مذاکره
 ایدیگمز قانونه عاڈر رأیکزی استعمال بیوریکز * بوندن
 اولکی جلسهدن قالمش قیصه برضبط سابقمز واردر *
 افندم ! مساعده بیوریکز ! رجا ایدرم ! او طولوریکز * دها
 اولدن قالمش قیصه برضبط سابقمز واردر * اونى اوقویالم *
 (اوقوندی)

رئیس — ضبط سابق حقدنه بر مطالعه وارمی *

ضبط اسبق عیناً قبول ایلدی *

بصری بک (قره سی) — رئیس بک ! بزم برتقریریمز
 واردی * محمد علی ایله شوکت برادرلرک تبعیدنن طولانی
 پروتستوایدلمی حقدنه ، لکن درت بش کوندر اوقونمدی
 حالا دورییور *

رئیس — افندم ! اوراق وارده نك ۲۲ پارچه
 اولدیغنی دها اولجه عرض ایتم * بوکون اوراق وارده
 لیسته سنه کچه مندک بشقه وقت کچرز * هنوز رأی استعمالی
 قیامه دق ، بگه یورز * رأیلر ۱۳۸ اولدیغه کوره معامله تمام
 دکدر * تنسیب بیورر سه کز ایشلریمز چوقدر * یارین
 صالی در * بر مجلس اجتماع عقد ایده لم * یارین اجتماع ایلمک
 اوزره جلسه یه نهایت ویریورم *

ساعت ۵ - ۷



انقره : تورکیا بیوک ملت مجلسی مطبعه سی